

浙江文叢

國權

〔第八冊〕

浙江出版聯合集團
浙江古籍出版社

浙江文叢

國權

〔第八冊〕

卷二十三至卷二十五

〔明〕談遷 著

浙江出版聯合集團
浙江古籍出版社

國權

監宮疏遷孺木楮

起景泰元年六月盡三年六月

景泰元年六月

六月癸酉朔上皇在漠北 塞通濟河東西岸決口戶部
右侍郎沈翼自直沽抵徐州僦運

太子太保兼吏部尚書王直率諸大臣言上下神祇陰
誘胡衷使來請和臣等切惟陛下大寶嗣登天與人歸
永永無二陛下隆敬兄之心尊爲太上昭告天地宗廟
社稷名位已定天下之人皆以爲宜令車駕得還 中

太上尊居不復事天臨民陛下但盡崇奉之禮即稱天
倫之厚伏望俯從彼請遣使答之如果至誠即別令大
臣迎駕上曰朕非貪此位鄉等強樹爲大兄蒙塵五遣
使皆不聽而復紛紜何衆懼兵部尚書少保于謙從旁
對曰天位已定寧有他第答使盡禮紆目前也得爲脩
耳上色解曰從汝從汝既上使興安問曰即使瓦剌誰
可者孰爲富弼文天祥王直厲聲對曰孰非廷臣誰敢
不行

久雨通濟河決

甲戌遣視濟南東昌兗青旱災

復郭原陝西按察副使食正三品俸王瑾咸陽知縣食正六品俸

夜大星青白光自紫微東籓流天紀

松潘贖罪仍輸米初左副都御史王來改輸鐵二十五

斤准石粟

丙子江西道監察御史胡拱辰爲貴州四川布政司左右叅政

命光祿寺炒米萬石餉宣大

丁丑運河南直隸京糧三十萬石於保定易州又河南麥四萬石運真定山東麥五萬石運定州

福建餘賊羅丕廖寧伏誅賊據陳山寨官軍購之邑人
羅文通等佯通賊飲丕佛寺執之

湖廣按察僉事韓陽子昌言上三事敬天命法祖宗攬
樞綱上是之

辛巳錄廣州平寇功都督同知董興爲後軍右都督都
指揮使武毅爲都督僉事

真定操脩署都指揮僉事王信鎮守真定

壬午勅戶部郎中謝佑往山西役三萬人僦運大同

刑部右侍郎淵同都指揮同知翁信修鴈門関口

瓦剌二千餘騎犯大同總兵官定襄伯郭登擊卻之斬

五級

右都督孫鏜仍領三千營

復歐復衡水知縣食從六品俸

昏刺月掩心宿

癸未募高中塩蔚州

許諸生納粟倒馬紫荆關給冠帶仍應試

提督遼東軍務都察院左都御史王翱以海西定州李滿住刺塔等屢入寇議分三路擣李滿住九寨董三山寨後問罪海西命酌而慎之

乙酉監察御史桂怡閱內府各監局工匠筭十餘人上

不憚自後御史不點聞

五軍營都指揮僉事王淳言束伍法及練兵圖命行之
蘭縣貢士段堅言二事曰遠聞寺罷各處內臣監軍復
掃除傳命之役曰闢異端銷道佛像銅鐵補軍器汰僧
道充伍配以尼姑下禮部格之

丙戌也先伯顏帖木兒奉上皇至大同城下聲言歸蹕
總兵定襄伯郭登等朝服候於闐頭首置座上皇不下
馬登伏壯士城上約駕入下懸闥及門覺擁上皇去
賑高山衛軍餘

浙江都司獄逸

夜天鳴

丁亥都察院左都御史陳鑑王文言司禮太監金英舍人李慶等多支舡脅淮安知府程宗以民舡六十餘艘私載引鹽杖死榜人坐慶絞餘俱杖不以劾英禮科給事張聰等論英稔惡鑑等長奸上曰英朕自處之下鑑文及御史宋璫謝琚錦衣獄時各道御史皆引伏宥之已宥鑑等李慶尋伏誅後宗以民舡受賂事戍遼東謫聰判均州琚吉安推官璫安福典史昏刺東南天鳴初更盡而息

戊子自懷來築斥堠至於京師土城

瓦剌二千餘騎屯宣府賈家營總兵左都督朱謙遣指揮牛璽都指揮聶勝以八百騎禦之南坡謙自以四千人援之戰南門外卻之

夜月食

己丑太原知縣劉敏為同知

復李遜嘉興知縣食正六品俸

庚寅瓦剌萬餘騎攻大同西路右叅將都督僉事許貴擊敗之斬二十七級

辛卯免榆次縣灾租

瓦剌犯懷來麻峪口永寧荆子村

夜月犯雲南 西南星

壬辰命右都御史羅通鎮守山西初少保于謙恐山西
搖動擇大臣鎮之昌平侯楊洪乞文武大臣自鴈門關
護運大同俱委通通不欲行䟽刺二臣上不聽

瓦剌七騎入棒槌峪切責白羊口守備都指揮僉事段
昇禦之

甲午城臨清

分將守都門石亨楊洪楊漣張軌孫鏜衛穎過興張義
雷通劉得新陳友李金王英崔福劉鑑張通每營二萬
餘人俱土城內外

革大臣舉保御史從監察御史張子祐等之言

蠲貴州宣慰司田租萬三千二百六十餘石

乙未免金華溫處戶口食鹽鈔

瓦剌阿剌知院遣叅政完者脫歡等五人至懷來求赴京進貢許之

丙申勅右都督楊俊率京軍五千巡涿易保定真定定州

都指揮僉事石彪爲遊擊將軍都指揮同知署都督僉事巡太原平陽

復長福渾源州判官食從六品俸

命福建都指揮僉事蕭華回軍勦慶元等縣賊

築丹陽決堤

丁酉敕守備戚遠衛指揮使儲瑾爲都指揮僉事賞其
卻功

戊戌完者脫歡入朝

太常寺少卿章文爲南京太常寺卿

免濟南灾租十四萬四千八百五十三石

萊陽人執知縣牛俊愬京掠其資辱其孥命俱戍鐵嶺
衛

己亥禮科都給事中李實爲禮部右侍郎大理寺右

丞羅綺為大理少卿奉敕使瓦剌遺可汗及乜先阿剌
各百金織金文綺伯顏八帖木兒以下給賜有差時敕
不及迎復事李賓白內閣太興安詒曰爾第奉敕以行
他何與焉

庚子李瑾嗣襄城伯李珍弟

肅府儀衛司軍餘聊讓上言宋宗澤岳飛為將不
敢呼名韓琦范仲淹當道西賊聞之破膽今訪智術才
能之士布滿朝廷則敵可馴也又痛抑宦寺旌直言
瓦剌寇邊則嚴拒之不必窮追彼來歸則晏賞遣之不
可留居中國上深然之

辛丑少保于謙言北使請和而邊閭窺伺自如兵法曰
無約而請和者謀也況也先狡假和緩我備而別兵部
攻襲閬隘侵犯京畿上是之勅各邊嚴備

壬寅也先使臣哈丹納察罕至大同求赴京命禮部右
侍郎李實賁賞付而止之

廣東右叅政郭循卒循廬陵人登進士授刑部主事
有盛稱宣德時拓西內循極諫不可蠲褻逮至大內詰
之不屈射其顙流血下詔獄正統初釋進郎中薦陟廣
東值寇亂有勦捕功

七月癸卯朔上皇在漠北

遣禮部右侍郎李實大理寺右少卿羅綺指揮使馬顯
偕完者脫歡使瓦剌敕脫脫不花王曰我國家於可汗
恩意良厚往年奸臣減賞遂失大義今各邊尚殺掠朕
欲命師念上天之赤子可汗殺華人朕亦殺 人與自
之何益近知院奏約束各部深合朕心特報可汗以副
天心勅太師也先曰阿剌使來議和而近邊尚刦掠是
情與詞異朕不惜大戰但害生靈故特諭此意又勅阿
并遣可汗及也先阿剌各百金織金文綺八其知院帖
木兒以下給賜有差時勅不及迎復事李實驚白內閣
太監興安詒曰爾第黃紙以行他何與焉

脫脫不花王遣使臣皮兒馬黑麻入貢

蠲廬陵灾租

甲辰故都脩宮聚王喜張斌降指揮僉事

丙午故信國公湯和魯孫穎勲為錦衣千戶

減內府酒醋麵局廚役百五十人

丁未大星赤色自參宿沉天園

己酉復王學古信豐知縣趙應浮梁知縣食從六品俸

南京太常寺卿徐祜致仕寺丞馮必政削籍初南京災
異迭見給事中林聰等劾初年袁必政姑妖婦焦奉真
也邪佞進身當斥吏部覆上從之初永樂間仙女焦奉